

# Dèwà Sɛ Pól Kɔɛ Lè Ñkwìn Bwum Yesù Kristò Ye Kòlòsì

Mè hwæsi

**1** <sup>1</sup> Mùn Pól ci-ntwum Yesù Kristò nɛ Mvènnswæb yǎn, bwi' lè ñgyinni nye' Tìmòtê, bwi' bɛ ta byin dèwà ton sɛ kɔi. <sup>2</sup> Bwi' ta son kɔi lè byin bɛ ñkwìn bwum Yesù Kristò ye kɛ Kòlòsì. Byin bi mè ñgyinni bye' bye ta Nyeli nye' Yesù Kristò ðwon lè ñlim fɔ'. Byin ti bæti lè Yesù Kristò. Ce ndwun nye' Mvènnswæb ñgænni byin, à fɛ byin fɔca.

**Mwù ñkeli Pól ke nywi ñkwìn bwum Yesù Kristò ye kɛ Kòlòsì**

<sup>3</sup> Bwi' ta Ce ndwun Mvènnswæb nɛ ðyi Ce Nyeli nye' Yesù Kristò osòkò' yili yì kwan hwæn ye bwi' ta nun keli lè jin shin. <sup>4</sup> Bwi' ta nun osòkò' yili, ntwi' se bwi' ywɔá mbòkì nɛ byin kɛá ñlim kɛ nywi Yesù Kristò, byin ta tí ku' ñkwìn bwum byon yili. <sup>5</sup> Hwæn li, ntwi' se byin ta zwùm tɛli lè ywum lwukea ye Mvènnswæb fɔsá lè ntwi' yin ke ðɛb. Be lè bɛ sannzá byin le' ywum lwukea màzwùm kwan se byin sete Ñtwum Lwen ywo, ñtwum ye kɛ nywi nzǎ' le' ñkǎmñkǎm. <sup>6</sup> Ñtwum Lwen màzwùm ta kònnɔi lǎm kɛ ñgyɔ' wan nun hwæn. À yi wě ñgǎ' nyě tá gwùm lwukea sean ntwi' se bwum bye ta mwù kě lè ñtwum màzwùm ta fɔsi màn mbyimbyí. Li, ñtwum màzwùm ta ku' kèn mbyimbyí kɛ nyinnim shin nun, ñdikà' nywɔ' nɛ byin sete ywo mbòkì nɛ Mvènnswæb kwènnzá ñlim lè byin, a kiin bèn ðyě. Byin limmá jɛnɛ le son nɛ', kwènnzì nlim sɛ. <sup>7</sup> Ñtwum Lwen màzwùm, byin ywɔ' yon kɛ ñwum Èpàflá. Èpàflá màzwùm ni ñwè nlim nye'. Bwi' lè bon, bwi' bi mè ci-she Yesù Kristò. À tá she Yesù Kristò cí lè ñlim fɔ', à tá she cí kɛ nsòn yin kɛ bǎn she' nun. <sup>8</sup> Nun nɛ she bwi' mbòkì nɛ byin ta bɔwùlukwǎn yili lè ñkimmɔ' Mpùn Nsanmi.

<sup>9</sup> Li nɛ ci, ñdikà' nywɔ' nɛ bwi' ywɔɛ le' màzwùm, bwi' tà ka mwù bɔwɛti lè ñkeli Mvènnswæb lè jin shin. Bwi' ta Mvènnswæb keli, bwi' cibbi nun le à ci byin fɔsi ywum ye ta nun ñlim lwukea limmi, lè byin

cinni tì ku' òkimmò' yè M̀p̀ùn Nsanmi nyon tà byin fè, ɓǎ ywum hwæn pæ' ɓè byin mē' seansean kè mbyi nyon nun. <sup>10</sup>Li, pa' tòn shin yè ɓè wě tà she Nyeli nyè' Yesù Kristò tà yili. Byin yè nun òlim lwukea kè mē kíkàen nyin nun hwæn, byin fòsì tì mē kíkàen nlwukea cinni, byin konndi M̀v̀ènnswàb limmi mbyimbyì. <sup>11</sup>Bwi' ta tì ku' kònddi keli le, kè òkimmò' yon yè lan ywum hwæn, M̀v̀ènnswàb ci byin ɗyi kwan hwæn kimmi kè mbyi nyon nun. Li, kè kwan hwæn nun, byin yè mē le' fyimnzi, byin ɓæn tì òlim lè ɓwùlu, byin ɓè tì ku' kè ndàli nun. <sup>12</sup>Yilèni Ce nyè' M̀v̀ènnswàb osòkò', nun nē wo byin mbyi nlwen, ɓǎ byin cinni ku' swum se nun kè kè cìcì ɲwanɲwan kè ɗèb lè òkwìn ɓwum byon. <sup>13</sup>Nun nē nywæsi ɓwi' kè cì tòn ɲjimmì she Satàen nē ta ywò' kwe, à kè ɓwi' kè ywò' mwèn nlim nyon Yesù Kristò ɲji. <sup>14</sup>Yesù Kristò nē nywæsi ɓwi', à zùsì tì ku' ɓwi' ɓyebbi nyè'.

### M̀v̀ènnswàb kè Yesù Kristò lè mwù ywum hwæn

<sup>15</sup>Mwum ndò' tà ka M̀v̀ènnswàb yenni lè zè', son, Yesù Kristò nē ɓwum yennà nùn, nun nē ɗyi fli mē' M̀v̀ènnswàb, à lisa' ɓwi' m̀b̀òkì nē M̀v̀ènnswàb tòn. Yesù Kristò nē Mwen M̀v̀ènnswàb, à cinni òtwu, à làn ywum hwæn pæ' yè M̀v̀ènnswàb fɓ. <sup>16</sup>M̀v̀ènnswàb fè ma nun òkimmò' mfò' ywum hwæn yè kè ɗèb lè yè kè ɲgyò' wan, ywum yè cinni kwæ' nywi lè yè ɓè tà ka yèn. Ywum yè cinni òkimmò' kè ɗèb hwæn, kwo fè' mē pa' mē cikpu' M̀v̀ènnswàb nē cinni òtwu kè nlim ɗèb hwæn, M̀v̀ènnswàb fè òkimmò' mfò' yan hwæn kè fya' mwen nyon Yesù Kristò. Ywum yè nun fɓe hwæn yi, M̀v̀ènnswàb fè tì ku' nun yon fya'. <sup>17</sup>Kwan se ɓè lè ɲgyò' wan kwan kife', a ɓè lè Yesù Kristò ti kwe. Nun nē ta ywum hwæn giti lè òkimmò' yon. <sup>18</sup>Nun nē mwù ɲkwìn ɓwum M̀v̀ènnswàb, ɲkwìn ɓwum M̀v̀ènnswàb yi wě kwæ' nywi shon, nun nē' ɓè ku' wě mwù. Nun nē sete ɓè, kwan se ɓè lè ɲgyò' wan kwan kife'. Nun nē seti tì ku' ywi yìmmi. Se lisa' le à ni òdwun, à làn ywum hwæn, nun nē zwimbyì' ywum hwæn, <sup>19</sup>ntwi' se M̀v̀ènnswàb nē yili le m̀b̀òkì nē nun nē' tòn, mwen nyon Yesù Kristò ɓè ku' hwæn pæ' li. <sup>20</sup>À yili ti ku' le, kè mvæb mwen nyon Yesù Kristò nun, à cì ywum yè ɲgyò' wan lè yè kè ɗèb nun hwæn, yè fyòn ɲwum fò' lè nun. Mvæb fò' màzwùm nun yè mwen nyon swiè kè ɲgæ' mē ɓòtò' zwem, yon yè feà fɓa kè nyinnim shon lè ɓwum.

<sup>21</sup>Byin, kè kwan se ɓè mbyì nun, byin ɓè mē kyìn, byin ɓè mē ci-byinnzi M̀v̀ènnswàb kè mē m̀b̀àkà' m̀ɓyibbɔa nē byin ɓè ɓàkà', kònddi lè mē le' m̀ɓyibbɔa nē byin ɓè tì ku' cì. <sup>22</sup>Son jene, M̀v̀ènnswàb mlòkèa le' lè byin kè ywi nyè mwen nyon nē fyònne mwum wě ɓwi' ywie. À ywie li, ɓǎ byin ɓè sanmi, ɓǎ nun ɓen lè byin kè swi' M̀v̀ènnswàb lè ɓyebbi ndò' m̀b̀ò' ɓà byin kè nywi, lè mwum ndò' làkì byin le' wě' cinni nywi. <sup>23</sup>Kwo fè' li, se yili le byin ken mbyì lè òkè nlim yè byin ta kè kè nywi Yesù Kristò, ɓa kì byin nywuli mē' lè ywum yè ɓè she byin kè Ntwum Lwen nun, yè byin

limmâ le byin ye cinni. Ñtwum màzwùm ye be shèà lè ßwum hwæn be ke ñgyô' wan nun. Mùn Pól, she shêm si le mùn she ti ku' Ñtwum màzwùm lè ßwum.

### She se Mvènnswæb fæe Pól fya'

<sup>24</sup>Mùn tã dàli jene ntwi' se mùn tã vènè' yenni ke jin shin nun. Mbòkì ne Yesù Kristò yenne ku' vènè' mbyí, mbanmbò' ni ne mun tà ku' yen ke ntwi' se ñkwìn ßwum Mvènnswæb ye wě kwæ' nywi Yesù Kristò. Mùn tã vènè' yenni li, bã she shon ken bèn ke mmlòkà'. <sup>25</sup>Mùn ti ci-she ke ñkwìn ßwum Mvènnswæb nun. Mvènnswæb ne fe mún she màzwùm fya' bã mún kpa' byin. She màzwùm si le mùn she ßwum hwæn ñzæ' le' yon lè ñdù' nun. <sup>26</sup>Kwan se be mbyí be lè ñzæ' le' yon kwan kife' pisean, son jene, à kwàsá yon lè ñkwìn ßwum byon. <sup>27</sup>Mvènnswæb yilá nun lisà' ñkwìn ßwum byon le mbòkì swum se nun yili nun ci si, swum twun se lan ywum hwæn se, se ye ßwum kpea yi cìci hwæn ke ñgyô' wan. Swum màzwùm si le Yesù Kristò ni ke me nlim nyin nun. Ke ntwi' màzwùm, byin limmì le Mvènnswæb ywime cì byin ñun ke ywò' ntwu shon nun. <sup>28</sup>Nun Yesù Kristò ne ßwi' ta le' shon shè, ßwi' ta ßwum hwæn konnzi, ßwi' lisà' le' shon lè kon se Mvènnswæb fe ßwi'. 'Bwi' yili le ßwum hwæn bye ke mbyi Yesù Kristò nun, be fyonnì ßwum bye kwùm zwum yili. <sup>29</sup>Li ne ci, mùn tã kèn mbyimbyí, mùn tã ßoli lè ñkimmò' twun ye Yesù Kristò fe mún bã mún kpeli mwu she màzwùm.

**2** <sup>1</sup>Mùn yili le byin limmì mbòkì ne mùn tã ßoli lè ntwi' yin, lè ntwi' ßwum bye ke Làòdisè, kònnì lè ntwi' ßwum mèan byindò' bye yen kife' mun mbyí wě byin. <sup>2</sup>Mùn tã ßoli li, bã zwùm te' byin, byin yili ti ku' ßwùlu ke nyinnim shin nun, byin be swum fò' lè ßwùlukwæn. Mùn yili ti ku' le, byin ywòti lè ñdù' nun swum se Mvènnswæb kwàsi pisean, bã byin be ke nlim kimmi, lè nun fe byin ñngænni lè ntwi' swum màzwùm. Swum màzwùm se nun kwàsi pisean si, à si Yesù Kristò. <sup>3</sup>Nun Yesù Kristò ne ta ßwi' kon fe lè ßwi' ywòti mè le' nyon hwæn pæ', kon màzwùm si wě ñjònnì.

<sup>4</sup>Mùn tà byin shè li ntwi' mwum ndò' lækì byin me' dwùsi lè ñzæ' le' myimmea. <sup>5</sup>Limmèni le be fe' she mun bà ke ñkwìn yin nun si, mùn tã bàkà' kwan hwæn lè byin. Mùn tã dàli lè she byin ta ywum hwæn cì ke mbyi nun, lè she byin ta ñyi kimmi ke kè nlim she byin ta kè nywi Yesù Kristò.

### Ñzison ñkæmñkæm si ke fya' Yesù Kristò

<sup>6</sup>Jene, byin yilá le Yesù Kristò be nyeli nyin. Ke à si li, mè kikæn nyin be wě tà she nun yili. <sup>7</sup>Tòènni ke fya' yon kimmi wě tà she ñgæ' tã mè ndì ghimmi ke ñgyò'. 'Byin ken mbyimbyí ke mbyi Yesù Kristò nun, byin fòsi ñlim yin kè ke nywi yon wě tà she be lisae byin. 'Byin konndi ti ku'

kèn mbyí lè òyili osòkò' òzwozwo' lè Mvènnswàb. <sup>8</sup>Konnèni, ba mwum ndò' pòka' byin lè òlìmmi ye bǎ òlìmmi ye òkàmòkàm. Òlìmmi màzwùm yi ye òwum, ye òe ti ku' ye mè mpùn mbyibbòa ne fe ògyò' wan, ye ba òlìmmi ye Yesù Kristò. <sup>9</sup>Ntwi' se m̀bòki ne Mvènnswàb tòn, mwèn nyon Yesù Kristò ni ku' li lèkàm. <sup>10</sup>Ke mbæti ye byin bætà lè Yesù Kristò, byin ti ku' lwinni lè m̀bòki tòn nyon. Ywum ye cinni òkimmò' ke òeb hwæn, nun ne lan yon hwæn.

<sup>11</sup>Ke byin ti bæti lè nun, byin ti wè òwum bye òe òunnzà òdùn ke swi' shon. Òdunnzi òdùn màzwùm ba swum fò' lè ye òwum ta òunnzi kwan hwæn, ye fyòn lisà' le Yesù Kristò kwebsà m̀bòki tòn mbyebbi nyin nyè òe mbyí. <sup>12</sup>Njimmzi ye òe jimnze byin ye lisa' le òe gwumme byin m̀banmban lè Yesù Kristò. Òkwan ye byin kwean mla' nun ye lisa' ku' le byin yimnà ywi lè nun m̀banmban. A si li twi' se byin ta zwùm teli le Mvènnswàb ne yimnze Yesù Kristò ke ywi nun, à cinni tí ku' òkimmò' nyimnzi yin. <sup>13</sup>Kwan se òe mbyí, byin òe wè yi òwon ke mè' Mvènnswàb twi' se byin òe kǎn òwum byon, byin òe byebbi cí. Jene, Mvènnswàb feà byin m̀bòki tòn nyè nywæb lè Yesù Kristò m̀ban, à zùsi òwi' lè byin m̀ban byebbi nyè òwi' òe cí. <sup>14</sup>Dèwà mè lwuà òe wè ke se Mvènnswàb kèe òwi'. Ke nywummò' ye òe ywumme Yesù Kristò ke ògæ' mè òòò' zwem, à si wè Mvènnswàb yàteà òewá ke màzwùm, à ywummò' son ke ògæ' mè òòò' zwem. <sup>15</sup>Ke ywi ne Yesù Kristò ywie nun, à lèân ywum ye cinni òkimmò' ke òeb hwæn lè kim, à pèlâ yon òkimmò' hwæn, à kwannzi yon mgbon.

<sup>16</sup>Ke à si li, ba mwum ndò' wèsi byin ke ywum ye byin ta ji nun, ywum ye byin ta nwi, le mè ògwìn ndò' bye byin tà ka ji, wè ògwìn nywi' nywæb, lè ògwìn mè yinni. <sup>17</sup>Ywum màzwùm hwæn pæ', à yi wè fyìnfyinni ye òe òwum lisea le swum lèkàm ndò' ye òèn. Swum lèkàm màzwùm si Yesù Kristò. <sup>18</sup>Òwum ndò' òi kwe bye ta nywi shelea ke ntwe' ye òe ta òon ne' tweli lè yi lwæb òe, bye ta tí mè cikpu' Mvènnswàb bye òeb twuli. Ba byin ci òe cinni swum wè' ndò' nywi yin. Be ta mwù twuli le Mvènnswàb liseà òon ywum. Kànmbè', òlìmmi yan bǎ òlìmmi ye òkàmòkàm. <sup>19</sup>Be ba tí bæti le Yesù Kristò ne mwù yan. Òwum bye ti bæti lè nun, à tà òon swum se ta òon shi fe, à cí òe òe òwum fò'. Li, òe ken mbyimbyí ke mbyi ne Mvènnswàb yili nun. Yesù Kristò tá òwum byon bæti lè nun ne' lè òon òe swum fò' wè tà she nywi mwum yi wònògea lè yi wòn, lè mè ntæn.

### Òzison she nywæb

<sup>20-21</sup>Byin limmi le byin ywie m̀ban lè Yesù Kristò lèkàm. Li, mè mpùn mbyibbòa ne fe ògyò' wan cinni kan tí òkimmò' lè byin. Ke à si li, yen se byin ta tòn wè òwum òe limmi kife' Yesù Kristò? Mè lwuà bye ta shè le: «Ba wù sheli she», «Ba wù ji shi», «Ba wù yinnði shi ton si», byin ta

yon d'won lè ntwi' yen? <sup>22</sup>Mè l'wua màzwùm yi ke nywi ywum ye be ta ji lè ye be ta ci; hwæn li, à yi ywum ye ta mlò' nùn. 'Bwum be ta mè l'wua màzwùm ghe lè mwù yan. <sup>23</sup>À si l'ènkàm le mè l'wua màzwùm gwili le, beshe mwum d'won yon à cinni kon, ntwi' se be ta le' le mwum lwinnzi ywum m'ean ke nd'won Mvènnswæb nun, à twe' nun ne' sòdin, à kònnndi tì nun ne' vènè' yennzi. Son, mùn k'èn yen le mè l'wua màzwùm bi d'in, be tà ka mwum ndò' k'pea bǎ nun cinni ñkimmò' ye ñyæmnnzi ywum byibbɔa ye kwæ' nywi shon ta yili.

**3** <sup>1</sup>Byin limmi le, byin yimnâ ywi lè Yesù Kristò mban, à ni jene ñtòn ke fya' ji Ce Mvènnswæb. Ke à si li, kimnzèni nywi lè byin cinni ywum ye ke nlim ke cici se nun tòn nun. <sup>2</sup>Byin d'gili mè mbàkà' kwan hwæn lè ywum ye kwe d'eb, ba byin bakà' lè ye fe ñgyò' wan nun. <sup>3</sup>Ntwi' se à si wé byin ywie nùn, Mvènnswæb yimnzâ byin ywi nun, à tǎ byin ñzison shin she nywæb b'ón ke fya' Yesù Kristò. <sup>4</sup>Ke ñzison shin si fya' yon, kwan se nun yé tì kònnndi b'èn, byin ye tì ku' be lè nun ke ntwu yon nun.

### Mbòki tòn nye' nyé be mbyi, lè nyé jene

<sup>5</sup>Ke ntwi' màzwùm, kwebsèni mbòki tòn mbyebbi nyin ke ñgyò' wan nun. Ywum ye mùn yé byin shé jene, ye be ci shin wé ywum ye leân nùn. Ywum màzwùm yi le: ñlon hwæn, ñzæmmí, mwù byebbi, kònnndi lè ñd'yi ye mè nlim nyin tǎ d'yi ke me mbàkà' mbyibbɔa nun. Ntimma' ye byin ta ywum timmea yi tì ku' nlim, ntwi' se a byin tæm ywum, lè yon ye byin ye kè lè m'vènnswæb nyin. <sup>6</sup>Ywum màzwùm hwæn pæ' ye ta Mvènnswæb ñlim nyennzi zwum lè bwum bye tà ka nun mwumnnzi. <sup>7</sup>Kwan se be mbyi, lè byin kwebsi kife' mbòki tòn mbyebbi nyin, byin be ku' ywum màzwùm cí li. <sup>8</sup>Son jene, donnzèni tì pa' ywum ye mùn ywime byin tannzi ye. 'Ba byin nyeni, shiki byin ke ku' mè mkpì lè bwùlu. 'Ba byin ci bwùlu mè le' mbyibbɔa, shiki byin swi' ku' ke ñwum wé mbyi' ke me myin bwùlu nun. 'Ba byin le' mè le' kwènnjin, <sup>9</sup>shiki byin she ku' bwùlu mè mbwè' ke nywi, ntwi' se byin kwebsâ mbòki tòn nyin, lè ywum ye byin be ci mbyi' nun hwæn, <sup>10</sup>mbòki tòn nyé nywæb ne byin ti jene nlim. Mvènnswæb ne fe byin mbòki tòn nlwen màzwùm. À tà nun lwuli mè ñgyinngyin bǎ nun be ku' wé ñyon, lè byin fòsi nun ne' limmi mbyimbyi. <sup>11</sup>Ke à si li, ñkyiilli ban ke swi' Mvènnswæb, mè Yudà ba kyi, pa' bwum byindò' be tì ku' kyi, shiki ñkyiilli be ku' ke nyinnim bwum bye duân ñdùn lè bwum bye dun kan, kwo fe' ke nyinnim bwum bye cinni kon, lè bye njimmi nun, lè ke nyinnim mè son lè bwum bye lè mwù yan. Hwæn li, à bi mban ke swi' Mvènnswæb, ntwi' se Yesù Kristò ne cinni ywum hwæn, à ni ke me nlim bwum byon nun hwæn.

<sup>12</sup>Byin ye tòn, byin bun le Mvènnswæb yànnâ byin bǎ byin be bwum byon, à tà byin yili. Ke à si li, d'wonnzèni ñzǎ' le' ton ye: kwènnzèni

̀̀nim lè ̀̀wùlu, ̀̀yin ̀̀e lè ̀̀nim lwen lè ̀̀on. Twelèni ̀̀yin nè' sisò', mè nlim nyin ̀̀e m̀f̀lòkea, ̀̀yin njilì mè le'. <sup>13</sup>Byin fyimnzi mè le' m̀byibbòa ne ̀̀wùlukwæn ta ̀̀yin cì, a lwikwæn cì wù le' ̀̀yebbi, swì nun mvub nywi. Nyeli nye' Yesù Kristò zùsà ̀̀yin ̀̀yebbi nyin, ̀̀yin ku', a yili le ̀̀yin donnzi ku' ̀̀wùlu ̀̀yebbi ne ̀̀on ta ̀̀yin cì. <sup>14</sup>Mwù le' ye mùn yili le ̀̀yin ci, à yi le: yilèni ̀̀wùlukwæn ke nyinnim shin nun, ntwi' ̀̀eshe ̀̀yin ci li, lè ̀̀yin ye tòn m̀banmban lè ̀̀nim fò'. <sup>15</sup>Yilèni f̀lòa ne Yesù Kristò tà ̀̀yin fe me nlim nun, ̀̀à à ̀̀yili ̀̀yin mè nlim kwan hwæn, ntwi' se M̀vènnswæb yili le ̀̀yin cinni f̀lòa màzwùm ̀̀à ̀̀yin ̀̀e swum fò'. Yilèni tì ku' nun osòkò' kwan hwæn. <sup>16</sup>Fòsèni ǹzè' le' Yesù Kristò ̀̀ænni, ̀̀yin ke yon ke me nlim nyin nun. Lìsèàni ywum lè ̀̀wùlu, ̀̀yin leb tì ̀̀on ndèb lè kon she M̀vènnswæb tà ̀̀yin fe. Sàkèàni M̀vènnswæb ke me nshib nyè M̀pùn Nsanmi tà ̀̀yin ̀̀ènnzi mwu, ̀̀yin sakà' tì ku' nun ke me nshib ndò' nun, ̀̀yin shib nun lè M̀vènnswæb lè ̀̀nim fò', ̀̀yin yili tì ku' nun osòkò' ke nlim. <sup>17</sup>Ywum ye ̀̀yin ta shè, lè ye ̀̀yin ta cì, cièni yon ke mbyi Yesù Kristò nun, ̀̀yin yili tì ku' Ce nye' M̀vènnswæb osòkò' ke nywi Yesù Kristò.

### M̀bòkì tòn ̀̀kwìn ̀̀wum Yesù Kristò m̀banmban

<sup>18</sup>Mè yib, wen ne hwæn ywòli ywon, ntwi' son se ̀̀yi lwen ke swi' Nyeli nye' Yesù Kristò. <sup>19</sup>Ti ku' ̀̀yin mè ̀̀web, wen ne hwæn yili m̀myon, ̀̀a à pàn ̀̀nim lè nun.

<sup>20</sup>Byin ̀̀wen, ywòlèni mè ce ̀̀yin lè mè mon ̀̀yin ke ywum hwæn nun, ntwi' se li ne Nyeli nye' Yesù Kristò yili. <sup>21</sup>Byin mè ce ̀̀wen, ̀̀a ̀̀yin lwæb ̀̀wen ̀̀yin ̀̀nim nyennzi zwum, ntwi' se ̀̀yin ci li, lè ̀̀yin ta ̀̀on ̀̀wæ' kwènnzi. <sup>22</sup>Ti ku' ke mbyi mè son nun, ̀̀yin mè son, mwumnzèni mè nyeli ̀̀yin ke ywum hwæn nun. ̀̀a ̀̀yin su' ̀̀on mwumnzi kwan se ̀̀on ̀̀i ̀̀gyò', lè ̀̀on yili ̀̀yin. Son, cièni ̀̀on she lè ̀̀nim fò' ntwi' se ̀̀yin ̀̀i ̀̀wum ̀̀e ta Nyeli nye' Yesù Kristò mwumnzi. <sup>23</sup>She shin ̀̀e fe' le, cièni son lè ̀̀nim fò', ntwi' se she Nyeli nye' Yesù Kristò se ̀̀yin ta cì, a su' kan she ̀̀wum. <sup>24</sup>Limmèni le nun ne ye ̀̀yin ̀̀èbbi, ̀̀èbbi màzwùm ni swum se nun kè ke ̀̀eb lè ̀̀wum ̀̀yon. Nyeli ̀̀kæm̀̀kæm ne ̀̀yin ta she shon cì ni Yesù Kristò. <sup>25</sup>Ti lè ̀̀wum ̀̀ye ta ̀̀yebbi cì, à yè ̀̀on vènè' yennzi ntwi' se ̀̀yebbi ne ̀̀on ta cì. À si li ntwi' se à tã mwum hwæn tweli m̀banmban.

**4** <sup>1</sup>Mùn kòndi tì ku' le' lè mè nyeli me son le, cièni ywum hwæn ke mbyi nun lè mè son ̀̀yin. ̀̀yin limmì le ̀̀yin cinni tì ku' Nyeli ndò' ke ̀̀eb.

### M̀mlòkà' ndeb

<sup>2</sup>Kelèni M̀vènnswæb kwan hwæn, ̀̀a ̀̀yin ̀̀ye ke ̀̀keli nun, ̀̀yin yili tì ku' nun osòkò'. <sup>3</sup>Byin keli tì ku' nun lè ntwi' ye', ̀̀à nun wò ̀̀wi' mbyi ǹwen lè ̀̀wi' she ̀̀wum le' shon, ̀̀wi' sannzi tì ku' ̀̀on swum se nun

kwàseâ bwi' ke nywi Yesù Kristò. Ìnsannzi le' ye m̀n tã sannzi yi, yon ye ci m̀n ni nye njè. <sup>4</sup>Kelèni M̀vènnswàb lè m̀n she le' shon seansean wě tã she se yili le m̀n she.

<sup>5</sup>Cinnèni m̀bòki tòn nyè ìlwen ke nyinnim b̀wum bye tã ka Yesù Kristò d̀won. 'Ba byin kwìn lè mkpa' yan. <sup>6</sup>Cinnèni ñwum lwen, ñzã' le' yin b̀e myimma wě kwìn, byin limmi tì ku' wě tã she byin ye fyònnzi ke mbyi nun lè b̀wum, yi kwan hwæn ye b̀e ywime byin mè le' cibbea.

### Cìci me hwæsi

<sup>7</sup>Tishí' ne ñgyinni nye' ke mbyi Yesù Kristò nun tã she Yesù Kristò cí lè ñlim f̀w'. 'Bwi' lè nun, b̀wi' ta she f̀w' cí; she she Nyeli nye' Yesù Kristò. À yè byin mè le' nyèm shé. <sup>8</sup>Li ne ci, m̀n fyii byin nun, bã nun she byin wě tã she b̀wi' ton, lè nun tètì tì ku' byin zwùm. <sup>9</sup>À yè kin bon lè Ònèzím ne ñgyinni nye' ne mwum nyé ke ñkwìn yin nun. Nun Ònèzím ni ku' mwum nyé tã Yesù Kristò d̀won lè ñlim f̀w'. Be ye byin ywum ye ta lannzi fe shé hwæn pæ'.

<sup>10</sup>Àristakù ne b̀wi' bi nye njè b̀wi' lè nun hwæsi byin. Markù, ñgyinni Bàrnàbã hwæsi tì ku' byin. 'Beshe nun òn nywò' ndò' ci shin, byin yè nun lwen. Be lè m̀n shèâ byin le' nyè yon mbyí nùn. <sup>11</sup>Yesù nyè jin shon she f̀w' si le Jùsítù hwæsi tì ku' byin. 'Bon b̀e su' ku' bon lè ke nyinnim me Yudà nun, b̀wum b̀e b̀wi' ta she cí b̀wi' lè bon, bã b̀wum hwæn limmi le M̀vènnswàb ni m̀vèn ndwun. 'Be ta mun zwùm tètì ñzwònzwò'. <sup>12</sup>Èpàflã ne tì ku' mwum nyé ke ñkwìn yin nun hwæsi byin. À tã tì ku' she Nyeli nye' Yesù Kristò cí. Kwan hwæn à tã M̀vènnswàb keli ke jin shin nun lè ñlim f̀w'. À tã keli bã byin b̀e kwùm zwum yili ke mbyi M̀vènnswàb nun, lè byin d̀yi tì ku' kimmi, byin d̀won swum se ta M̀vènnswàb ñlim lwukea lè ñdù' nun. <sup>13</sup>M̀n ne', m̀n yennã lè ze' wě tã she nun tã b̀oli ke she nun ke ntwi' yin, lè ke ntwi' b̀wum bye Làòdisé, lè bye Èràpòlisi tì ku'. <sup>14</sup>Lukasì ne dotã nye' ne b̀wi' yili ñzwònzwò', bon lè Demã hwæsi tì ku' byin. <sup>15</sup>Hwæsèni m̀n b̀wum Yesù Kristò bye ke Làòdisé hwæn, byin hwæsi tì ku' Nìmfã lè ñkwìn b̀wum Yesù Kristò ye ta swòla' d̀won nyon.

<sup>16</sup>Kwan se ye b̀e, b̀e nzanngèâ byin dèwà ton se, byin fyið' son ke mbyí lè ñkwìn b̀wum Yesù Kristò ye ke Làòdisé, bã b̀e nzanngã' tì ku' bon son. 'Bye kwe ye tì ku' byin dèwà she bon fya' nàmnnzi bã b̀e nzanngã' tì ku' byin son. <sup>17</sup>Shèèni Àrshìb le à b̀oli, à mló' she se Nyeli nye' Yesù Kristò fe nun fya'.

<sup>18</sup>M̀n Pól, m̀n ne' ne koi mè hwæsi ye ton ye lè fyà' yém. M̀n hwæsi byin. 'Ba ñlim fye byin le m̀n ni nye njè. M̀vènnswàb ñgænni byin.